

## Esra

Esranê buku tonec gêjac têku Min̄tau n̄abuku lu-agêc. Lau Juda, tañ sêngôn̄ kapoacwalô an̄ga Babel nañ, nêñ ñagêdô sêmu sêja nêñ malacmôkê ma sêkwê nêñ malac Jerusalem sa to sêwaka sakin om̄ña sa kêtiam.

**Êsêac têdênañ min̄ tau kêsêp ñasêbu têtêac gebe**

1. Mômêlatu 1-2 Lau Persia nêñ kin̄sêga Kirus kêjatu lau Juda nêñ toñ ñamataña gebe sêmu sêna nêñ gamêñ.
2. Mômêlatu 3-6 Êsêac sêkwê lôm dabuñ sa kêtiam ma sêjac kawi lôm tau. Su, go sêwaka Anôtônê sakin om̄ña sa kêtiam.
3. Mômêlatu 7-10 Jala ñagêdô gêjaña acgom, go Esra gêwê lau Juda nêñ toñ teñ sêo lasê Jerusalem amboac tonañ. Esra kêjala Anôtônê bin̄su kêtú tôn̄ eñ, tec kêmasañ lêñ teñ gebe lau Juda sêwi nêñ lauo jaba, tañ sêjam nañ, sin̄ gebe sejop lau Israel nêñ bin̄lênsêm, tañ gêjam gôlin̄ nêñ sakin dabuñ ñalêñ nañ.

### *Kin̄ Kirus nê jatu*

<sup>1</sup> Gêdêñ jala ñamataña, tañ Kirus kêtú kin̄ Persiaña nañ, Apôm̄tau kêkac kin̄ Persiaña Kirus nê ñalêlôm gebe êngôm bin̄, tañ Apôm̄tau kêkêñ gêdêñ propete Jeremia geoc lasê nañ, ñanô êsa. Kirus kêkêñ bin̄ ña awasun̄ ma keto papia gêwiñ kêtôm nê gamêñ gôlin̄ña gêja gebe

<sup>2</sup> “Kin̄ Persiaña Kirus kêsôm bin̄ amboac tonec gebe Apôm̄tau, Anôtô undambêña, kêkêñ nom

ņagamêņ samob kêsô aê ņalabu. Ma eņ kêjatu aê gebe jakwê ênê andu teņ sa aņga Jerusalem, taņ gêc gamêņ Judaņa naņ.

<sup>3</sup> Anôtô êwiņ nê lau, taņ sêmoa sêwiņ amac naņ, ma sêndi ma sêpi Jerusalem, taņ gêc gamêņ Judaņa naņ, sêna gebe sêkwê Apômtau, Israelnêņ Anôtô nê andu sa êtiam. Eņ Anôtô taņ gêņgôņ Jerusalem naņ.

<sup>4</sup> Ma nê lau ņapopoc, taņ sêmoa malac gêdêņ-gêdêņgeņ amboac lau jaba naņ, têtap moasiņ sa aņga lau malac tauņa. Lau sêkêņ silber to gold ma waba to bôc êndêņ êsêac ma sêkêņ da êtôm nêņ ņalêlôm êkac êsêacņa êtu Anôtônê andu aņga Jerusalemņa.”

### *Lau kapoacwalôņa sêmu sêja Jerusalem*

<sup>5</sup> Go gôlôacmôkê Juda to Benjamin nêņ laumata dêdi sêwiņ dabuņwaga to lau Lewi. Êsêac lau taņ Anôtô kêkac êsêac gebe sêpi sêna ma sêkwê Apômtaunê andu sa aņga Jerusalem naņ.

<sup>6</sup> Ma lau malacm samob sêjam êsêac sa ma sêkêņ silber to gold ma waba to bôc ma awamata êjamgeņ gêwiņ gêņ, taņ êsêac sêkêņ kêtū ņalêlôm kêkac êsêacņa naņ.

<sup>7</sup> Kiņ Kirus kêkôc Apômtaunê andu ņaclu, taņ Nebukadnesar kêjaņgo su aņga Jerusalem ma kêkêņ kêsô ênê anôtônê andu gêja naņ, kêsā gêmêņ amboac tonangeņ.

<sup>8</sup> Kiņ Persiaņa Kirus kêkêņ laclu tau gêdêņ kanomwaga Mitradat ma eņ kêsā sa gêdêņ gôliņwaga Judaņa Sesbasar.

<sup>9</sup> Ma waba tau ņanamba amboac tonec gebe suc gold 1,000 ma suc silber 1,000 ma laclu da jadauņa 29.

<sup>10</sup> Laclu gold 30 ma silber 2,410 ma laclu ñagêdô 1,000.

<sup>11</sup> Laclu gold to silber samob kêpi tagenj kêtôm 5,469. Gêdênj tañ sêwê lau kapoacwalôña anja Babilon sêpi sêja Jerusalem sêja nañ, Sesbasar kékôc gêñ samob tonañ ñai gêwiñ.

2:1-70 Lau tañ sêwi kapoacwalô anja Babel sinj ma sêmu sêja Juda nañ, nêñ gôlôacmôkênêñ ñaê to nêñ namba kêsêp mômêlatu tonec.

### 3

#### *Sêmasañ sakinj ñagôlinj*

<sup>1</sup> Lau Israel sêngônj nêñ malac gêdênj-gêdênjenj su acgom, go gêdênj ajônj kêtû 7 mêngeô lasê êsêac samob sêkac tañ sa anja Jerusalem.

<sup>2</sup> Go Josadak latu Jesua to nê dabunwaga ma Sealtiel latu Serubabel to nê lasitêwai dêdi ma sêboa Israelnêñ Anôtô nê altar sa gebe sêkênj daja ênsac ñaô kêtôm teto gêc Anôtônê ñac Mose nê binjsu.

<sup>3</sup> Êsêac sêboa altar tau kékô ñamala lanjwa gebe têtêc tañj kêtû lau gamênj tonañja. Ma sêkênj daja gêsac altar gêdênj Apômtau tau kêtôm bêbêc to kêtulagenj.

<sup>4</sup> Êsêac sêlic Om Bec kêtôm teto gêc, go sêkênj daja kêtôm bêcgenj kêtôm jatû ñadênañ.

<sup>5</sup> Tonañ su, go êsêac sêkênj daja kêtôm bêcgenjja sêmoa to sêkênj daja ajônj mêngeô lasêña ma gêdênj Apômtaunê om samob kêtôm ñajatu gêc nañ, ma da tañ ñac teñ êkênj êndênj Apômtau êtôm nê ñalêlôm êkac enj nañ.

6 Gêdêñ ajôñ kêtú 7 ñabêc ñamataña êsêac sêjac m gebe sêkêñ daja gêdêñ Apômtau. Mago sêkêñ nombañ kêtú Apômtaunê lôm dabuñña su atom tagen.

7 Amboac tonañ êsêac sêkêñ mone gêdêñ sêpapocwaga to kamunda ma gêñ sêniñ to sênômña ma katêkwi gêdêñ lau Sidon to Turu gebe sembon kaseda anga lôc Lebanon sêsêp gwêc sêna Jope êtôm tañ kiñ Persiaña Kirus gêlôc sa nañ.

*Sêjac m kôm sêkwê lômdabuñña*

8 Gêdêñ jala kêtú luagêcña, tañ êsêac sêô lasê Anôtônê andu ñamala anga Jerusalem su nañ, ñaajôñ kêtú luagêcña Sealtiel latu Serubabel agêc Josadak latu Jesua sêjac m kôm tau sêwiñ nêñ lasitêwai ñagêdô ma dabuñwaga to lau Lewi ma êsêac samob, tañ anga kapoacwalô sêmu sêmênñ Jerusalem nañ. Êsêac sêkêñ lau Lewi, tañ nêñ jala kêtú 20 ma kêlêlêc nañ, gebe sejop kômwaga, tañ sêkwê Apômtaunê andu nañ.

9 Ma Jesua gêwiñ latui to nê tawanñ ma Juda latu Kadmiel to nê latui sejop Anôtônê andu ñakômwaga sêwiñ Henadad latui to lau Lewi nêñ latuññ to nêñ tawanñ.

10 Ma gêdêñ tañ sêkwêwaga sêu nombañ Apômtaunê lôm dabuñña nañ, dabuñwaga sêsô nêñ ñakwê dabuñ ma sêwê todauc ma Asap latui, lau Lewi, toongen gebe sêlambinñ Apômtau kêtôm ñagôlinñ, tañ kiñ Israelña Dawid kêkêñ nañ.

11 Ma êsêac sêjam wê sêjô taunñ awenñ, sêlambinñ to sêjam danje gêdêñ Apômtau  
 “Gebe enñ ñac gabêjam  
 ênê têtac gêwiñ Israelña ênêc endenñ tônjenñ.”

Gêdêñ tañ êsêac sêlambin Apômtau nañ, lau samob sêjam lasê sêpuc awen sagen gebe sêu Apômtaunê andu ñanombañ sugac.

<sup>12</sup> Mago dabuñwaga to lau Lewi ma laumata gôlôacmôkêña nêñ lau ñanô taêsam, tañ sêlic lôm dabuñ ñamataña su nañ, sêlic andu wakuc tonec ñanombañ ma têttañ tañiboa kapôênanô. Mago nêñ ñagêdô taêsam sêjam lasê kapôên kêtú têtú samucña.

<sup>13</sup> Amboac tonañ lau têtôm atom gebe sêwa sêjam lasê ñabêlêc to launêñ tañiboa êkôc gebe lau sêjam lasê ña awen kapôên ma sêñô ñaôndu gêja ñêñgen.

4:1-5:17 Lau Juda sêkôc kôm sêkwê lôm dabuñña sa, mago nêñ ñacjo sebe senseñ êsêac. Tagen propete Hagai agêc Sakaria sêpuc êsêac tôn. Gêdêñ tañ ñacjo sêlênsôn êsêac ñapañ nañ, lau Persia nêñ gôlinwaga, tañ sejop gamêñ Judaña nañ, teto papia gêdêñ nêñ kin Darius, tañ gêjô Kirus su nañ ma teten en gebe êmbêlêm kin Kirus nê miñkaton, oc êtap Kirusnê jatu sa gebe lau Juda sêkwê nêñ lôm dabuñ sa êtiam me masi.

## 6

### *Sêkwê lôm dabuñ sa. Lôm dabuñ ñakôm*

<sup>1</sup> Go kin Darius kêjatu bin gebe sensom andu papiaña ôkwi gebe sêjac miñkaton samob sa gêc andu tonañ.

<sup>2</sup> Ma anga Media ñamalacsêga Ekbatana êsêac têtap papia luñ ten sa. Bin tañ teto kêsêp papia tau nañ gebe “Miñkaton.”

<sup>3</sup> Gêdêñ kin Kirus nê gôlin ñajala ñamataña kin Kirus tau kêjatu bin tonec gebe Bin tonec kêkanôn

Anôtônê andu anġa Jerusalem. Êsêac sêkwê andu tau sa êtu gamêñ sêkêñ da to dajaña êtiam. Lôm ñasagiñ êmu êpi amboac saka 15 to ñagêbôcña amboac saka 15 amboac tonanġeñ.

<sup>4</sup> Êsêac sêkêñ poc dênañ têlêac ênsac tau ñaô ma sênsac ka palañ êtu sagiñ ñakanô. Kôm ñaôli samob êsa anġa kiñnê kanom.

<sup>5</sup> Ma akêñ Anôtônê andu ñacla gold to silber, tañ Nebukadnesar kêjanġo su anġa lôm dabuñ Jerusalemña ma kejoñ ġêmêñ Babilon nañ, êmu êna lôm dabuñ, tañ êkô Jerusalem nañ êtiam. Akêñ samob êkô ñamala anġa Anôtônê andu.”

*Kiñ Darius kêjatu gebe sêkôc kôm sa êtiam*

<sup>6</sup> Go kiñ Darius kêsakiñ biñ tau ñagêjô amboac tonec gebe “Êndêñ ġôliñwaga gamêñ, tañ ġêc bu ñamakeñ ôñêña nañ, Tatenai agêc Sedarbosenai to nê lau ñagêdô, tañ anġôñ gamêñ ñamakeñ ôñêña nañ. Amoa jaêc gamêñ tonanġeñ.

<sup>7</sup> Alin Anôtônê andu ñakôm su êndêñ lau Juda nêñ ġôliñwaga to kasêga taunġeñ. Êsêac sêkwê Anôtônê andu sa êtiam êkô ñamala lanġwa.

<sup>8</sup> Aê kajatu biñ ñagêdô, tañ kêkanônġ amacnêmlêñ anam lau Juda nêñ kasêga saña gebe sêkwê Anôtônê andu sa êtiam. Akêñ ñaôli samucġeñ êndêñ lau tonanġeñ ma anam ñagêdô tôñ atom. Akôc mone, tañ lau anġa bu ñamakeñ ôñêña sêkêñ êtu takis nañ, sa anġa kiñnê kanom ma anam ôli lau tonanġeñ solop ma êtôm ñanocġeñ.

<sup>9</sup> Ma ġêñ samob, tañ êsêac sêpô lêna gebe sêkêñ êtu dajaña sêkêñ êndêñ Anôtô undambêña amboac bulimakao ñalatu kapoac ma domba kapoac

to ñalatu akêñ êndênj êsêac. Ma akêñ polom ñanô to gwêc ma wain to niptêkwi êtôm tañ dabunwaga Jerusalemña sêsôm nañ, akêñ êndênj êsêac topalêgenj êtôm bêcgenj.

<sup>10</sup> Gebe êsêac sêkêñ da ñajamanô êndênj Anôtô undambêña ma tetenj mec êtu kinj to latuiña gebe sêmoa matenj jali.

<sup>11</sup> Aêñoc jatu tenj gêc gebe Ñac tenj embe ênam binj tonec ôkwi, go sêkip ka gêbôc tenj sa anğa ênê andu ma sênac enj êpi ka tau ma nê andu êtu lënduc tenj êtu ênê kesonja.

<sup>12</sup> Ma Anôtô, tañ kêkêñ nê ñaê gêc andu tonan nañ, êku kinj to lau samob, tañ sêmêtôc lemenj gebe sêngêli jatu tonec ma sensenj Anôtônê andu, tañ kêkô Jerusalem nañ, tulu sênaña tomalagenj. Aê Darius kajatu binj tonec. Sêngôm ñanô êsa toôlinj palêgenj.”

### *Sêjac kawi lôm dabun tau*

<sup>13</sup> Go gôlinwaga bu ñamakenj ônêña Tatenai agêc Sedarbosenai ma êsêagêcnêñ laumata, tañ sêwinj êsêac nañ, sêgôm gênj samob, tañ kinj Darius kêjatu sa nañ, ñanô kêsa toôlinj palêgenj.

<sup>14</sup> Ma lau Judanêñ laumata sêkwê andu tau têtû wakac kêtû propete Hagai agêc Ido latu Sakaria nêñ binj seoc lasêña. Êsêac sêjac dabinj andu tau kêtôm Israelnêñ Anôtô nê jatu to kinj Persiana Kirus agêc Darius ma Artakerkes sêjatu.

<sup>15</sup> Ma êsêac sêjac dabinj andu tau gêdênj ajônj Adar ñabêc kêtû têlêacña. Gêdênj tonan kinj Darius nê gôlinj ñajala kêtû 6.

<sup>16</sup> Ma lau Israel to dabunwaga ma lau Lewi to êsêac ñagêdô, tañ sêmu sêmênj anğa kapoacwalô

nañ, sêlic nêñ om sêjac kawi Anôtônê lôm dabuñña totêntac ñajamgenñ.

17 Gêdêñ tañ êsêac sêjac kawi Anôtônê andu tonañ nañ, êsêac sêkêñ bulimakao kapoac 100 to domba kapoac 200 ma domba ñalatu 400 kêtú daja, kêtú dá ensenñ lau Israel samob nêñ sec suña. Ma êsêac sêkêñ noniñ kapoac 12 kêtôm Israel nêñ gôlôacmôkê ñanamba.

18 Ma êsêac tédênanñ dabuñwaga to lau Lewi nêñ tonñ kêtú sênam sakinñ Anôtô anğa Jerusalemña kêtôm teto gêc Mosenê buku nañ.

### *Sen Pasa*

19 Gêdêñ ajôñ ñamata ñabêc 14 êsêac, tañ sêmu sêmênñ anğa kapoacwalô nañ, sêlic om Pasa.

20 Gebe dabuñwaga to lau Lewi sêjam dabuñ taunñ kêtú têtú selecña. Êsêac samob têtú selec su, amboac tonañ sêjac domba Pasaña kêtú lau kapoacwalô samob, tañ sêmu sêmênñ nañ, kêtú nêñ dabuñwaga ñagêdô ma êsêac taunña gêwiñ.

21 Ma lau Israel samob, tañ sêmu anğa kapoacwalô sêmênñ nañ, to êsêac samob, tañ sêbiñ taunñ tôñ sêwiñ êsêac ma sêkac taunñ su anğa lau gamênñ tonanña nêñ ñatêmui gebe sênam sakinñ Apômtau, Israelnêñ Anôtô nañ, samob senñ Pasa tau.

22 Ma êsêac sêlic om polom ñalucña tonañ kêtôm bêc 7 totêntac ñajamgenñ gebe Apômtau gêgôm êsêac têtêntac ñajam kêsá to gêjam kiñ Asuriaña nê ñalêlôm ôkwi gêdêñ êsêac. Amboac tonañ kiñ tau gêjam êsêac sa kêtú kôm Anôtô, Israelnêñ Anôtô nê lôm



dabuŋŋa. \* March ŋasawa.

## 7

### *Esra to lau sêmêŋ Jerusalem*

<sup>1</sup> Gêŋ tonan su acgom, go Esra kêpi anŋa Babilon gêmêŋ gêdêŋ taŋ kiŋ Persiaŋa Artakerkes gêjam gôliŋ gamêŋ nan. Esra eŋ Asaria latu, nan Kilkia latu,

<sup>2</sup> nan Salum latu, nan Sadok latu, nan Ahitub latu,

<sup>3</sup> nan Amaria latu, nan Asaria latu, nan Meraiot latu,

<sup>4</sup> nan Serajah latu, nan Usi latu, nan Buki latu,

<sup>5</sup> nan Abisua latu, nan Pinahas latu, nan Eleasar latu, nan dabuŋwaga Aron latu.

<sup>6</sup> Esra tau tonan anŋa malac Babilon kêpi Jerusalem gêja. Eŋ kêtü biŋsutau teŋ, taŋ kêjala Mosenê biŋsu, taŋ Apômtau, Israelnêŋ Anôtô kékêŋ nan, tomalageŋ, Ma kiŋ kékêŋ gêŋ samob, taŋ eŋ keteŋ nan, gebe Apômtau, ênê Anôtônê lêma gejob eŋ.

<sup>7</sup> Gêdêŋ taŋ kiŋ Artakerkes nê jala gôliŋŋa kêtü 7 nan, lau Israel nêŋ ŋagêdô sêpi Jerusalem sêja amboac tonangeŋ ma dabuŋwaga to lau Lewi ma lau wêŋa to gejobwaga sacgêdôŋa ma sakiŋwaga lôm dabuŋŋa sêwiŋ.

<sup>8</sup> Ma Esra gêô lasê Jerusalem gêdêŋ kiŋnê jala gôliŋŋa kêtü 7 ŋaajôŋ kêtü lemenŋeŋŋa.

<sup>9</sup> Gêdêŋ ajôŋ ŋamata ŋabêc ŋamataŋa eŋ gêdi anŋa Babilon ma gêdêŋ ajôŋ kêtü lemenŋeŋ ŋabêc

---

\* **6:22:** Adar katu lau Juda nêŋ ajôŋ ŋamuŋa nan February to

ņamataņa eņ gêô lasê Jerusalem gebe ênê Anôtônê lêma ņajam kêkêņ ajuņ eņ.

<sup>10</sup> Esra nê ņalêlôm kêkac eņ gebe êndôn tau e êjala Apômtaunê biņsu to êņgôm ņanô êsa ma êndôn ņagôliņ to jatu aņga Israel.

*Papia taņ kiņ Artakerkes kêkêņ gêdêņ Esra naņ*

<sup>11</sup> Biņ tonec kêsêp papia, taņ kiņ Artakerkes kêkêņ gêdêņ dabuņwaga to biņsatau Esra, taņ kêjala Apômtaunê biņsu to ņagôliņ, taņ Anôtô kêkêņ gêdêņ Israel naņ kêtū toņ.

<sup>12</sup> “Kiņ samob nêņ kiņ Artakerkes nê papia êndêņ dabuņwaga Esra, Anôtô undambêņa nê biņsu ņabiņsutêna.

<sup>13</sup> Aê kajatu biņ tonec gebe lau Israel nêņ teņ me nêņ dabuņwaga to ņac Lewi teņ, taņ gêmoa ņoc gamêņ kiņņa ma nê ņalêlôm êkac eņ gebe êna Jerusalem naņ, êtôm gebe êwiņ aôm êna.

<sup>14</sup> Aê kiņ to ņoc lau seņeņ 7 asakiņ aôm gebe ônac gamêņ Juda to Jerusalemņa kêsi ma ônam dôn ņabiņ êpi aôm nê Anôtônê biņsu, taņ kêsêp aôm lêmam naņ.

<sup>15</sup> Ôkôc silber to gold, taņ aê kiņ ma ņoc lau seņeņņa akêņ toma ņalêlôm samucgeņ gêdêņ Israelnêņ Anôtô, taņ gêņgôn Jerusalem naņ, ôna amboac tonaņgeņ.

<sup>16</sup> Ôkôc silber to gold samob, taņ aôm oc ôtap sa aņga gamêņ Babilonņa samucgeņ naņ ma da, taņ lau Israel to nêņ dabuņwaga sêkêņ tonêņ ņalêlôm samucgeņ êtu nêņ Anôtônê andu aņga Jerusalem naņ.

<sup>17</sup> Mone tonaņ aôm ôkôc ma ônam ôli bulimakao kapoac to domba kapoac ma domba ņalatu êwiņ

da kelenj to wain, tañ sêkêc êtu da nañ. Ôkênj gêñ tau êtu da ênsac aômñêm Anôtônê andu ñaaltar, tañ kêkô Jerusalem nañ.

<sup>18</sup> Ma aôm to nêñ lasitêwai anğôm silber to gold, tañ gacgenj gêc nañ, êtôm amac alic ñajam ma êtôm amacnêñ Anôtônê biñ nañ.

<sup>19</sup> Laclu tañ sêkêñ gêdêñ aôm kêtû Anôtônê andu ñasakinj nañ, aôm oc ôkêñ tomalagenj ênêc Anôtô lañônêmña anğa Jerusalem.

<sup>20</sup> Gêñ ñagêdô samob, tañ embe ôpô lêna êtu Anôtônê anduña nañ, ma gêñ tañ gêjac aôm ñawae gebe ônam ôliña nañ, ôkôc ñamone sa anğa kinjêñ kanom.

<sup>21</sup> “Ma aê, kinj Artakerkes, ñoc jatu gêdêñ kanomwaga samob, tañ sêmoa bu ñamakenj ôñêña nañ, gebe akêñ gêñ samob, tañ dabuñwaga Esra, Anôtô undambêña nê biñsu ñabinj sutêna etej êndêñ amac nañ topalêgenj.

<sup>22</sup> Akêñ silber e naêtôm talu 10 to polom ñanô ñadôñ 100 ma wain ñagasuc 100 to niptêkwi ñagasuc 100 ma gwêc akêñgenj.

<sup>23</sup> Gêñ samob, tañ Anôtô undambêña kêjatu sa nañ, anğôm ñanô êsa toôlim palêgenj êtu Anôtô undambêña nê anduña gebe ênê têtac ñandanj êsa êtu kinjêñ gamêñ to nê latuiña atom.

<sup>24</sup> Ma aêc akêñ ñawae êndêñ amac amboac tonanğenj gebe ajac jao gebe amac akôc takis tokainj-tokainj anğa êsêc dabuñwaga to lau Lewi ma lau wêña to gejobwaga katamña ma sakinjwaga lôm dabuñña to sakinjwaga Anôtônê anduña samob nêñ tej atom.

<sup>25</sup> “Ma aôm Esra ôjalinj gôlinjwaga to mêtôcwaga sa êtôm nêñ Anôtônê kauc, tañ gôwê kainj nañ gebe

sêmêtôc lau samob, taŋ sêŋgôŋ bu ŋamaken ōnêŋa naŋ. Êsêac sêmêtôc lau samob, taŋ sêjala Anôtônê biŋsu su naŋ to êsêac, taŋ sêjala biŋsu su atom tagen naŋ, ôndôŋ êsêac acgom.

<sup>26</sup> Ma êsêac taŋ taŋeŋ wamu nêŋ Anôtônê biŋsu to kiŋnê jatu atom naŋ, sêmêtôc êsêac solopgeŋ, êsêac sêmac êndu me sêmasuc êsêac me sênam ôli nêŋ keso ŋa nêŋ waba me sêŋgôŋ kapoacwalô.”

*Esra kêlanem Anôtô*

<sup>27</sup> Esra kêsôm gebe “Aweŋ gêôc Apômtau, aêac tameninêŋ Anôtô, taŋ kêkêŋ kauc amboac tonan kêsêp kiŋnê ŋalêlôm gebe êŋgôm Apômtaunê andu, taŋ kêkô Jerusalem naŋ, ŋawae êsa.

<sup>28</sup> Ma kêmoasiŋ aê e kiŋ to nê lau seŋeŋ ma nê lau ŋactêkwa sêlic aê ŋajam. Aê têtac kêpa su gebe Apômtau, ŋoc Anôtô nê lêma gêwiŋ aê ma gajac laumata Israelŋa sa gebe sêpi sêwiŋ aê sêna.”

8:1–10:44 Esra gêwê lau Juda sêmu sêja Jerusalem ma kêmasaŋ biŋsu gebe Judawaga sênam lauo jaba êtiam atom ŋamiŋ kêsêp ŋasêbu tonec.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb